



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Hominibvs S. Agathes.

urn:nbn:de:hbz:466:1-20006

sus, partibus omnem appellationis & recusationis penitus interdicimus facultatem, ne contingat Roscen. Ecclesiam, quæ ferè triennio jam vacavit, diutius carere pastore. Ad hæc, vobis, fratres Archiepiscopi, per apost. scripta mandamus, & districte præcipimus ne nobilis viri Comitis de Mauritania vel cuiusquam secularis potestatis gratia vel timore prætermittatis ulterius quin electos canonice confirmetis; confirmatis, prout ad vos pertinet, sine dilatione qualibet consecrationis beneficium impensuri, ne plus videamini homini quæm Deo deferre. Quod si omnes &c. duo vestrum &c. Datum Perusij, XV. Kal. Octobris.

HOMINIBVS S. AGATHES.

Epiſt. 36f.
Confirmandū
confuetudines
eius rationabiles
& antiquas.

C Vm à nobis petitur &c. usque ad verbum annuentes, ad instantiam dilecti filii G. de Labro Subdiaconi nostri rectoris Masan. apostolicae sedis Legati, antiquas rationabiles & approbatas consuetudines vestras & hactenus obseratas auctoritate vobis apostolica confirmamus &c. Nulli ergo &c. Datum Perusij, XI. Kal. Octobris.

CAPITVLO, CLERO, ET POPVL
tam civitatis quæm dioecesis
Lethglenen.

Epiſt. 366.
De electione &
consecratione
Episcopi Leth-
glenensis.

X literis venerabilium fratrum nostrorum Ardmachan. & Cassenlen. Archiepiscoporum, Oseriae & Darien. Episcoporum, & vestris accepimus, quod Ecclesia vestra pastore vacante, in venerabilem fratrem nostrum I. nunc Episcopum vestrum, tunc autem Rossevall. Abbatem, unanimiter convenistis, electionem de ipso canonice celebrantes. Quia verò venerabilis frater noster Dublinen. Archiepiscopus Metropolitanus vester à sua dioecesi & Ecclesia exulabat, nec ideo ad eum super hoc recurrere potuistis, electionem vestram dicto Archiepiscopo Cassenlen. tunc apostolicae sedis Legato curavistis humiliter praesentare; qui eam auctoritate, qua fungebatur, apostolica confirmavit, sed propter contradictionem Ademundi de Vallon. officialis nobilis viri Comitis de Mauritania electo ipsi consecrationis noluit beneficium exhibere. Nos igitur electionem ipsam canonican attendentes, & de persona celebratam idoneam, & à prefato Archiepiscopo confirmatam, (quo-

Vide epift. 36g. &
Rogatum de H. C.
videtur ad an.
1597. circa f.
num.

rum primum & ultimum sufficienter per predicas literas & quarundam personarum, quas secum habebat, testimonia, quæ ad majorem cautelam sub juramento recepimus, probatur; de secundo vero per examinationem personæ apud sedem apostolicam * vobis factam constitut manifeste) confirmationem ab eodem Archiepiscopo factam ratam habuimus, & electum ipsum nostræ humilitatis ministerio curavimus in Episcopum consecrare. Eum ergo ad gerendam Ecclesiæ suæ sollicitudinem ad eandem remittentes Ecclesiam consecratum, universitati vestra per apostolica scripta mandamus atque præcipimus quatenus eum recipientes humiliter & devore, tanquam pastorem & Episcopum animarum vestiarum honorare curetis, & de universis iustitiis ad eum spectantibus ei sine dilatione qualibet respondere, statuta & mandata ipsius recepturi humiliter, & inviolabiliter servaturi. Datum ut suprà.

N O B I L I V I R O
Comiti de Mauritania.

Epiſt. 367.
Vt ecclesiasti-
cam libertatem
& privilegia
non perrumpat,

Q Vòd contra Deum & ecclesiasticam libertatem per officialestuos in anima tua perniciem in causis spiritualibus indebitam tibi jurisdictionem usurpas, non attendens quod Ozias Rex, quia præsumpsit incensum offerre, lepra fuit in fronte percussus, quod viros ecclesiasticos exulare cōpellis, quod electionibus canonice factis repugnare præsumis, miramur non modicum, & non minus tibi quæm Ecclesiarum gravmini condolemus. Cum enim noveris quod omnis est potestas à Deo, & quod usque adeo humana est infirmitas imbecillis, ut nec adicere possit ad staturam suam cubitum unum, nedum regni sibi solium vendicare, dolemus quod contra eum & sponsam ejus Ecclesiam videris supercilium assumpisse per quem Reges regnant & Principes dominantur; qui potentes deponit, & humiles & justos exaltat, superborum & sublimium colla propria virtute conculcans; per quem si cuperes exaltari, te in ipsius oculis humiliare deberes: quoniam omnis qui se exaltat humiliabitur, & qui se humiliat exaltabitur, juxta testimonium Veritatis. Nam ut alia quæ in libertatis ecclesiasticae præjudicium attentasse diceris omittamus, & ut transeamus sub silen-